

PROXECTO LUGO EMPREGO ACTIVO 2ª FASE

BASES DE PARTICIPACIÓN:

Primeira .- “Lugo, emprego activo” é un proxecto integral de inserción laboral das persoas que participen nel, composto de accións formativas de distintas especialidades laborais, obradoiros de formación en materias transversais, accións de orientación, intermediación e inserción laboral, que a través da constitución de itinerarios integrais e personalizados de inserción laboral, ten como obxectivo a consecución da integración no mercado laboral das persoas con maiores dificultades de acceso a el.

Segunda.- Dentro do proxecto, contémplanse dous itinerarios:

- Itinerario A, dirixido ás persoas desempregadas en xeral.
- Itinerario B, dirixido a persoas con especiais dificultades de inserción.

Terceira.- As accións formativas que se impartirán nos itinerarios de referencia son:

ITINERARIO A:

- Coidador/a de persoas discapacitadas físicas e psíquicas (200 horas)
- Atención especializada para persoas enfermas de alzheimer (250 horas)
- Axentes de desenvolvemento da comunidade discapacitada (700 horas)
- Técnico/a en transporte sanitario (385 horas)
- Monitor/a de educación ambiental (300 horas)

ITINERARIO B:

- Técnico/a de sistemas de enerxías renovables (380 horas)
- Mantemento de aire acondicionado e fluídos (920 horas)
- Operador/a de estacións depuradoras de augas residuais (400 horas)
- Operario/a de redes e centros de distribución de enerxía eléctrica (700 horas)
- Técnico/a en recuperación de espazos degradados (400 horas)

Cuarta.- Os obradoiros de formación transversal de carácter obrigatorio que se impartirán serán:

- Fomento das novas tecnoloxías da información e comunicación (75 horas)
- Fomento do coidado e respecto ao medio ambiente (8 horas)
- Fomento da igualdade de oportunidades entre mulleres e homes (4 horas)
- Fomento da non discriminación e loita contra a exclusión social (4 horas).
- Habilidades sociais (15 horas)

- Hábitos laborais (para o itinerario B). (15 horas).
- Busca de emprego (8 horas)

Quinta.- Requisitos de participación:

- Con carácter xeral, estar en situación legal de desemprego, inscritos como demandantes na correspondente Oficina do Servizo Público de Emprego.
- Con carácter específico, as persoas que poderán participar en cada un dos itinerarios deberán ser:

ITINERARIO A:

- Persoas desempregadas en xeral

ITINERARIO B:

- Mozos/as, menores de 30 anos
 - Maiores de 45 anos
 - Persoas desempregadas de longa duración
 - Outros colectivos en risco de exclusión social (violencia doméstica, persoas en proceso de rehabilitación ou reinserción social, etnias desfavorecidas, inmigrantes, persoas afectadas por invalidez física, psíquica ou sensorial.)
- Estas situacións deberán ser acreditadas documentalmente.

En ambos os dous casos, daráselles prioridade ás persoas empadroadas no Concello de Lugo.

Sexta.- As persoas interesadas deberán presentar solicitude de participación no proxecto, segundo o modelo que lles será facilitado no Espazo>lab, Centro de Orientación Laboral do Concello de Lugo, avda. da Coruña, 490 (antigo cuartel de Garabolos), e na Oficina de Participación Cidadá na ronda da Muralla. Tamén poderá ser descargada da páxina web do Espazo>lab: www.lugo.es/espazolab ou na do Concello de Lugo: www.lugo.es.

Sétima.- Prazo de presentación de solicitudes:

As solicitudes deberán entregarse no Rexistro Xeral do Concello de Lugo, ronda da Muralla, dende o día 15 de decembro de 2009 ata o 23 de xaneiro de 2010, ambos os dous incluídos.

Oitava.- Selección

A selección das persoas interesadas en participar no proxecto realizarase do seguinte modo:

- a) Unha vez pechado o prazo de presentación de solicitudes, e comprobado o cumprimento dos requisitos de participación por parte das persoas interesadas, publicarase

no Taboleiro de Anuncios do Concello a lista de persoas seleccionadas para a entrevista persoal.

Nesta entrevista, as persoas candidatas expoñerán a súa vontade e as razóns para participar no proxecto. As valoracións extraídas da entrevista serán tidas en conta igualmente no proceso de selección para a posterior concesión de prazas.

b) Será obrigatorio levar á entrevista a seguinte documentación:

- Fotocopia do DNI
- Fotocopia da demanda de emprego
- Certificado de vida laboral actualizado
- Breve *curriculum vitae*
- Informe acreditativo da situación de risco de exclusión social, se é o caso.

c) O baremo de valoración para a selección será o seguinte:

- 1.- Muller desempregada: 1 punto
 - 2.- Situación de risco de exclusión social *: 2 puntos
 - 3.- Experiencia e formación nas materias dos cursos solicitados: 3 puntos.
 - 4.- Perda de emprego nos últimos 12 meses: 3 puntos
 - 5.- Estar actualmente ou ter estado incluído nun itinerario de inserción do Servizo Público de Emprego: 2 puntos
 - 6.- Mozos/as que non superaron a ensinanza obrigatoria: 1 punto
 - 7.- Persoa coidadora non profesional que atenda persoas en situación de dependencia: 1 punto.
- *soamente será baremable para o itinerario A.
- 8.- Motivación para participar no proxecto: ata 3 puntos
 - 9.- Interese demostrado pola busca de emprego: ata 3 puntos
 - 10.- Interese pola remuneración como motivo da candidatura: ata -3 puntos
 - 11.- Percepción de prestacións por desemprego ou calquera outra similar: 3 puntos
 - 12.- Interese, motivación ou disposición para o autoemprego: ata 3 puntos.
 - 13.- Apreciación da disposición para finalizar o itinerario: ata 3 puntos

d) Unha vez rematadas as entrevistas, procederase á publicación das listas das persoas admitidas ao programa, no Taboleiro de Anuncios do Concello.

Novena.- Obrigas e dereitos das persoas beneficiarias:

Serán obrigas das persoas beneficiarias:

- Respectar o compromiso adquirido co proxecto e a realización dos pasos e accións no seu proxecto individual.
- Facilitar todos aqueles datos que se soliciten dende o equipo técnico e garantir a súa veracidade.
- Asistir a todos os obradoiros de carácter obrigatorio que se impartan.
- Manter en todo momento o respecto e o acatamento ás normas de convivencia cara a todas as persoas participantes do proxecto: persoas beneficiarias, docentes, coordinación, equipo técnico. O incumprimento destas normas pode levar á exclusión do proxecto.
- Respectar todos os materiais que se faciliten para o desenvolvemento das accións dende as instalacións ata o material funxible.
- Será obrigatoria a asistencia ao 75% das horas totais das accións formativas así como ás accións transversais, e ser declarado/a apto/a para ter dereito á expedición do diploma.
- Todas as faltas deberán ser xustificadas, e non poderán superar o 25% das horas totais do curso de formación. En ningún caso se percibirá o tanto por cento da bolsa correspondente ás horas de non asistencia no caso de ter dereito a ela.
- Deberase respectar o horario e o calendario do curso. A reiterada falta de puntualidade será obxecto de falta de asistencia.
- Cando por causa xustificada non se poida asistir á formación, deberase comunicar, de non ser así, transcorridos 3 días causará baixa automática no proxecto.
- Na avaliación final, realizada polos docentes que imparten a acción formativa, terase en conta o nivel de participación das persoas beneficiarias, tanto na formación teórica coma na formación práctica, así como o acatamento das normas reflectidas nestas bases.
- Deberase asistir a todas aquelas titorías individualizadas que se convoquen para o desenvolvemento dos itinerarios.

- Deberán acatarse as normas establecidas en cada un dos centros onde se desenvolvan as accións.

- **Serán dereitos das persoas beneficiarias:**

- Dereito a un trato xusto e igualitario.

- Dereito á intimidade e confidencialidade dos datos achegados ao equipo técnico.

- Dereito ao uso e goce das instalacións para o desenvolvemento das actividades contempladas no proxecto.

- Dereito a recibir unha formación de calidade.

- Dereito a percibir a bolsa correspondente ao tanto por cento das horas asistidas nas condicións establecidas na base seguinte.

- Dereito ao material necesario para o desenvolvemento e aproveitamento dos obxectivos do proxecto.

- Dereito a un itinerario de inserción sociolaboral individualizado e adaptado ás necesidades observadas previamente.

- Dereito á realización dun período de prácticas laborais.

- Dereito a unha tutoría e a un seguimento individualizado ao longo do proceso.

- Dereito a que se articulen todas aquelas medidas, tanto a nivel social coma de formación, que sexan necesarias para a melloras dos seus niveis de empregabilidade.

- Dereito a recibir o certificado de asistencia no caso de asistir ao menos ao 75% das horas teóricas e ao 75% das horas prácticas, así como aos obradoiros transversais obrigatorios e ser declarado apto no programa.

Décima:

As persoas beneficiarias percibirán, conforme aos trámites económico-administrativos pertinentes, nun prazo non inferior a un mes, unha bolsa de asistencia por unha contía mensual non superior ao 75 por cento da contía fixada para o Indicador público de renda de efectos múltiples (IPREM).

Esta bolsa será compatible coa percepción da prestación subsidio por desemprego, así como con outras axudas públicas para a mesma finalidade, se ben o conxunto das rendas percibidas pola persoa beneficiaria da axuda por

estes conceptos, incluído o importe da bolsa non poderá superar o 75 % da contía indicada para o dito indicador.

En ningún caso terán dereito á remuneración as persoas beneficiarias que asistan menos de trinta días do itinerario formativo.

Os obradoiros transversais obrigatorios non terán dereito a remuneración ningunha

Décimo primeira.- En todo o non contemplado especificamente nestas bases, estarase ao establecido na "Resolución do 7 de novembro de 2007 da Secretaría de Estado de Cooperación Territorial pola que se aproban as Bases reguladoras da convocatoria 2007 para a concesión das axudas do Fondo Social Europeo durante o período de Intervención 2007-2013", así como as "Instrucións para a aplicación e desenvolvemento das bases reguladoras da convocatoria 2007 de axudas do Fondo Social Europeo durante o período de intervención 2007-2013", remitidas polo Ministerio de Administracións Públicas.

Lugo, 15 de decembro de 2009

Prazo de presentación de solicitudes

> do 15 de decembro de 2009 ao 23 de xaneiro de 2010

Información:


Espazo>lab

Avda. da Coruña, 490

(antigo cuartel de Garabolos) 27003 LUGO

Tfno.: 982 297 361 - Fax: 982 297 364

www.lugo.es/espazolab



LUGO emprego activo



Concello de Lugo

LUGO emprego activo



2010

**OFERTA
FORMATIVA**

Que é LUGO Emprego Activo?

OFERTA FORMATIVA 2010

Lugo Emprego Activo é un plan integral a favor do emprego das persoas con maiores dificultades para acceder ao mercado de traballo.

Os beneficiarios e beneficiarias do proxecto entran a formar parte dun itinerario integral e personalizado de inserción sociolaboral, no que desenvolverán:

- Formación teórico práctica:

Encamiñada a desenvolver as capacidades e acadar un nivel axeitado de coñecementos para a inserción no mercado laboral.

- Prácticas en empresas:

As persoas participantes poderán poñer en práctica os coñecementos acadados para unha maior adaptación ás demandas das empresas.

- Tutorización e seguimento personalizado:

Durante todo o proceso os beneficiarios e beneficiarias disporán dunha orientación personalizada e dun seguimento continuado por parte do equipo técnico do proxecto.

📁 **Coidador/a de persoas discapacitadas físicas e psíquicas**
⌚ (200 horas)

📁 **Atención especializada para persoas enfermas de alzheimer**
⌚ (250 horas)

📁 **Axentes de desenvolvemento da comunidade discapacitada**
⌚ (700 horas)

📁 **Técnico/a en transporte sanitario**
⌚ (385 horas)

📁 **Monitor/a de educación ambiental**
⌚ (300 horas)

📁 **Técnico/a de sistemas de enerxías renovables**
⌚ (380 horas)

📁 **Mantemento de aire acondicionado e fluídos**
⌚ (920 horas)

📁 **Operador/a de estacións depuradoras de augas residuais**
⌚ (400 horas)

📁 **Operario/a de redes e centros de distribución de enerxía eléctrica**
⌚ (700 horas)


📁 **Técnico/a en recuperación de espazos degradados**
⌚ (400 horas)





Concello de Lugo

LUGO emprego activo



2010 OFERTA FORMATIVA

Prazo de presentación de solicitudes:
do 15 de decembro de 2009
ao 23 de xaneiro de 2010

Información:
Espazo>lab
Avda. da Coruña, 490
(antigo cuartel de Garabolos)
27003 LUGO
Tfno.: 982 297 361
Fax: 982 297 364
www.lugo.es/espazolab



- ☞ Coidador/a de persoas discapacitadas físicas e psíquicas ☞ Atención especializada para persoas enfermas de alzheimer
- ☞ Axentes de desenvolvemento da comunidade discapacitada ☞ Técnico/a en transporte sanitario
- ☞ Monitor/a de educación ambiental ☞ Técnico/a de sistemas de enerxías renovables
- ☞ Mantemento de aire acondicionado e fluídos ☞ Operador/a de estacións depuradoras de augas residuais
- ☞ Operario/a de redes e centros de distribución de enerxía eléctrica ☞ Técnico/a en recuperación de espazos degradados

